

Koleksi buku Perpustakaan UNISSA bertambah

BANDAR SERI BEGAWAN, Rabu, 4 April. - Universiti Islam Sultan Sharif Ali (UNISSA) menerima sumbangan sebanyak 55 buah buku dari Suruhanjaya Tinggi Republik Islam Pakistan ke Negara Brunei Darussalam.

Hadir menyempurnakan penyerahan buku tersebut ialah Pesuruhjaya Tinggi Republik Islam Pakistan ke negara ini, Tuan Yang Terutama Mejar Jeneral (B) Tariq Rashid Khan yang kemudiannya menyeraikan kepada Rektor UNISSA, Dr. Awang Haji Norarfan bin Haji Zainal pada majlis yang berlangsung di Perpustakaan UNISSA, di sini.

Buku-buku tersebut meliputi beberapa topik dalam bidang Kajian Islam, Hubungan Antarabangsa, Ekonomi Politik, Sejarah Republik Islam Pakistan dan beberapa tempat di dunia kontemporari.

Rektor UNISSA semasa berucap melahirkan penghargaan di atas sumbangan buku-buku tersebut.

Jelasnya, buku berkenaan akan menambahkan lagi koleksi Perpustakaan UNISSA dalam menyediakan medium untuk memperkayakan dan mengembangkan pengetahuan mengenai Republik Islam.

Dalam pada itu, pada tahun



PESURUHJAYA Tinggi Republik Islam Pakistan ke Negara Brunei Darussalam, Tuan Yang Terutama Mejar Jeneral (B) Tariq Rashid Khan menerima cenderahati daripada Rektor Universiti Islam Sultan Sharif Ali (UNISSA), Dr. Awang Haji Norarfan bin Haji Zainal (kiri). Manakala gambar kanan, Pesuruhjaya Tinggi Republik Islam Pakistan semasa hadir pada majlis yang berlangsung di Perpustakaan UNISSA.



2016, perpustakaan tersebut telah menerima sebanyak 123 buah buku dari Suruhanjaya Tinggi Republik Islam Pakistan.

Selain sumbangan dari Suruhanjaya Tinggi Republik

Islam Pakistan itu, perpustakaan berkenaan juga menikmati Koleksi Antarabangsa yang turut disumbangkan oleh Kedutaan Kesultanan Oman ke negara ini.

Bakal haji Daerah Belait mulakan kursus

Berita dan Foto : Noraisah Haji Muhammed



SEBAHAGIAN bakal jemaah haji lelaki yang hadir pada Kursus Ibadah Haji Bagi Musim Haji Tahun 1439H / 2018M bagi Daerah Belait diadakan di Sekolah Ugama Pengiran Anak Puteri Rashidah Sa'adatul Bolkliah di Pekan Seria.

SERIA, Jumaat, 6 April. - Kursus Ibadah Haji Bagi Musim Haji merupakan aktiviti tahunan yang diungkuhkan oleh Jabatan Urusan Haji, Kementerian Hal Ehwal Ugama kepada bakal jemaah haji negara yang akan menunaikan ibadah haji pada tahun ini.

Bagi Daerah Belait, Kursus Ibadah Haji tahun ini diadakan di Sekolah Ugama Pengiran Anak Puteri Rashidah Sa'adatul Bolkliah di Pekan Seria dan Sekolah Ugama Paduka Seri Begawan Sultan Omar 'Ali Saifuddin.

Kursus yang diadakan setiap hari Jumaat dan Ahad dari jam 8.00 hingga 10.00 pagi itu dihadiri lebih daripada 100 bakal jemaah haji bagi Daerah Belait dan kursus akan diteruskan hingga 13 Mei 2018M.

Kursus juga dihasratkan dapat menanamkan sikap sabar dan meningkatkan takwa terhadap cabaran-cabaran yang bakal dihadapi dan suasana yang mungkin berbeza dengan suasana di Brunei.

Bakal jemaah haji juga ditekankan tentang perlunya mematuhi peraturan yang dikuatkuasakan oleh pihak Kerajaan Arab Saudi demi kebajikan dan kebaikan bersama.

Seramai 19 pengkursus ibadah haji dan lima penyelia yang terdiri daripada kalangan pegawai-pegawai, imam-imam masjid dan guru-guru ugama, pesara-pesara yang berpengalaman dari Jabatan Pengajian Islam, Jabatan Hal Ehwal Masjid, Pusat Da'wah Islamiah dan Kolej Universiti Perguruan Ugama Seri Begawan Sultan Omar 'Ali Saifuddin.

Pengkursus ibadah haji bagi jemaah haji di Pekan Seria dikendalikan oleh Awang Haji Mohd. Yakup bin Haji Tengan dan Dayang Hajah Masnah binti Haji Mohamed Abun.

14 penuntut sertai Program Qalbun Saleem

Berita dan Foto : Ak. Syi'aruddin Pg. Dauddin

MUMONG, Jumaat, 6 April. - Dalam usaha untuk memberikan kesedaran tentang kepentingan ilmu pengetahuan duniawi dan ukhrawi kepada para pelajar, Pusat Da'wah Islamiah melalui Unit Kaunseling, Bahagian Penyebaran Da'wah dengan kerjasama Unit Kaunseling dan Kerjaya, Bahagian Hal Ehwal Pelajar, Jabatan Sekolah-Sekolah, Kementerian Pendidikan telah mengunghkayakan Program Qalbun Saleem.

Program yang berlangsung

selama sehari tersebut disertai oleh 14 penuntut yang terpilih dari Sekolah Menengah Pengiran Jaya Negara Pengiran Haji Abu Bakar yang berlangsung di surau sekolah berkenaan, Kuala Belait.

Kursus tersebut merupakan Rancangan Tahunan Unit kaunseling, Bahagian Penyebaran Dakwah yang antara lain objektifnya adalah untuk menimbulkan kesedaran dalam menghayati dan mengamalkan ibadat dengan sempurna menurut

ajaran Islam yang unggul.

Ia juga bertujuan untuk mendidik rohani dan jasmani serta melatih mentaliti para pelajar supaya berakhlak dengan akhlak Islam yang terpuji.

Pusat Da'wah Islamiah berharap dengan program ini akan dapat memberi kesedaran tentang kepentingan ilmu pengetahuan dan kefahaman, mengulang-kaji pengetahuan yang ada dan meningkatkan lagi kefahaman mengenai ajaran Islam agar ianya dapat diamalkan dalam kehidupan dengan penuh keyakinan serta ketakwaan kepada Allah Subhanahu Wata'ala.



PARA peserta Program Qalbun Saleem bergambar ramai.